

{loadposition vervelaq_xala}

Хъана къван, хъанач къван са Вервелаг хала. Гатфар хъайила, ада вичиз са къакъан таран кукIва муг авуна. Ина ада какаяр хана, пуд шараг ахъайна. Шарагар хъуьтуьл туьк алай, хъипи кIуфар авай бицЫбур тир. Вервелаг халадиз абур гзаф кIандай. Абур ада къуд патахъай шарар, цицIер ва маса недай затIар гъиз, хуьз хъана.

Къарикай са къуз са аждагъандиз и Вервелаг халадин муг авай чка акуна. Ада атана Вервелаг халадиз лагъана:

- Вервелаг хала, верг хала! Тумунив яна, тар кIаняй акъудда, сухавди яна, пут алудда. Вегъ кван бубадиз са шараг.

Вервелаг халадиз кичIе хъана, ада шехъиз-шехъиз вичин шарагриз лагъана: Тъм вегъин, гъм тан, балаяр дидедин!" Чара хъанач, са шараг вегъена. Аждагъандини ам туькъуьнна.

Пака юкъуз аждагъан мад атана:

- Вервелаг хала, верг хала! Тумунив яна, тар кIаняй акъудда, сухавди яна пут алудда. Вегъ кван, бубадиз са шараг, - лагъана.

Вервелаг халадиз чара хъанач, ада шехъиз-шехъиз мад са шараг вегъена. Имни аждагъанди туькъуьнна. Аждагъан хъфейла, Вервелаг хала таран хилел ацукъна, шехъиз акурла, са сикI атана, хабар къуна:

"Я Вервелаг хала, верг хала, вун вуч из шехъзава?"

- Зун шехъ тавуна, вуж шехърай, - лагъана Вервелаг халади.

- Гъар къуз аждагъанди, къвез, заз лугъузва: "Вервелаг хала, верг хала, тумунив яна, тар кIаняй акъудда, сухавди яна, пут алудда. Вегъ бубадиз са шараг". Зани кичIевиляй гъар юкъуз са шараг гузва. Пуд шарагдикай гила амайди сад я.

- Пака аждагъанди атана ваз гъакI лагъайла, - меслят гана сикIре, - вуна адаз лагъ: "Свах ви къурунинди хъуй, тум ви чакъулдинди! Квахъ, гъаясуз!" Эгер ада вавай "и гафар ваз ни чирна?" лагъана жузуртIа, вуна адаз лагъ: "АтIа дингерал алай Къукъ халуди".

- Гзаф хъсан я, гъа вуна лагъайвал ийида за, - лагъана Вервелаг халади.

Пака юкъуз мад атана, аждагъанди лагъана:

- Вервелаг хала, верг хала! Тумунив яна, тар кIаняй акъудда, сухав яна пут алудда. Вегъ кван, бубадиз са шараг.

- Свах ви къурунинди хъуй, тум ви чакъулдинди. Квахъ, гъаясуз! лагъана Вервелаг халади.

- Ваз а гафар ни чирна? - хабар къуна аждагъанди.

- АтIа дингерал алай Къукъ халуди, - лагъана Вервелаг халади. ИкI лагъайла, аждагъанди, чукурна фена, дингерал алай Къукъ халудин кIулаз хкадарна. Аждагъан кIула акъахнамазди, Къукъ лув гана, цавуз екъечIа. ЭкъечIна, екъечIа, ахпа аждагъандивай хабар къуна: "Чил къакъандани, цав?"

- Цав, - лагъана аждагъанди.

Къукъ мадни цавуз екъечIна, хабар къуна: "Чил къакъандани, цав?"

- Цав, - лагъана аждагъанди.

Кьукьра аждагъан мадни цавуз акъудна, акъудна, абур лап цавун аршдиз акъатна, ахпа Кьукьра мад жузуна: "Чил къакъандани, цав?"

- Чил, - лагъана аждагъанди.

ИкI лагъанмазди, Кьукьра ам вичин кIулай вегъена. Аждагъан чилел аватна, хъиткъинна, пад-пад хъана, адан къеняй Вервелаг халадин къве шарагни ахкъатна. Абур чIив-чIирив "чун хъфида чи дидедин къилив" лугъуз, пур-р-р авуна, лув гана, дидедин патав муказ хъфена.

P.S.: Уважайте труд людей, которые старались над сказкой и оставьте свои комментарии!

{comments on}